

摘藻堂四庫全書薈要

集部

欽定四庫全書蒼齋要卷一萬三千三百六十三

集部

御製詩二集卷三十六

古今體七十七首

壬申六

塞上秋蒐奉

皇太后自圓明園啓蹕六韻

玉塞行時獮金旌發曉秋詎緣循往例實用纘

先猷蹕指山莊駐章馳驛路郵宵衣無內外歲事切咨

諏

慈履欣康健民歌協豫遊鞞鞭成五字記里又從頭

過清河橋

春夏雨暘時過望豐可致三庚忽愁旱霖雨未霑漬民  
瘼無可諉切切增愁愧秋巡值啓蹕心厓仍農事清河  
度石橋所見覺稍異蕎豆仍芄苗黍梁多碩穰詢之鄉  
三老云尚勝去歲初希雖不滿後憂略堪慰愛物  
天地德益凜盈虛義

聞淮南得雨

封章卜度始開函澤被清江半尺甘咨稽喜霑遲種五  
課時猶及伏庚三正因久待忻生慰每為虛譽祇益慙  
況我所懷無遠近淮南望罷望江南

時蘇松亦有待澤之處不知曾霑否

### 過峰山口

遠望宮堯近等閒長城猶在白雲間峰姿樹態休嫌少  
却是東來第一山

度嶺風披華黍秋山城古縣號懷柔此行觸目思吾事  
詎為居高暢豫遊

雜題

亨屯拯溺未敢閒蒼生四海常思艱未遑老安少懷志  
難悉物理民情間三代上治夫何有十年前詩率可刪  
射麋麗龜聊快意猶喜五石弓能彎

難易引

大難小易地戴天始難成易坤終乾一難衆易君率臣  
外難內易型家人正難偏易守四邊主難賓易酒醴筵  
白難黑易絲染然走難飛易鳥鼠山精難粗易徵心禪

行難言易九仞泉守難創易鄭公言

村行口號

銅雀喧鳴熟晚禾田功頗勝昨經過  
未經更願還勝此  
謂我無厭也任他

南天門

北谷晨行衝曉靄是處淙淙鳴石瀨  
迴谿複嶺數十盤  
蓮宮始見青雲外到來初地空塵心憑虛萬景牕前繪  
舉鞭旋復度巖扉真教隔絕仙凡界  
天關虎豹信森嚴

此或當然我所戒

長城

祖龍當日氣羸豪一世希傳萬世牢擬接碧天陵絕巘  
遂窮滄海駕洪濤防胡詎是圖其易延寇那思作者勞  
可惜蒙恬秦宿將椽人輕與賜歐刀

山田

山田關外佳村村期二鬴春夏值時若所幸霑秋雨以  
此勝關內終善早登圃虛望彼其嗟實償此猶愈內外

皆我民所願逢年普有懷每難遂殷憂繫心所

山田無土著大都齊晉民刀耕復火種巒障成媿鱗聞  
之其初來裹糧惟一身心計躬受勞或有致富人賦稅  
既以薄蒙古風更醇戶口茲日增藉以資饑貧後此非  
所知目前誠可因

雨

塞雨灑蕭秋繁聲入夜稠輕寒來覺驟婪熱避如流蒼  
菜皆資潤豆禾未畢收怵怵縈遠念畿內得霑不



涼

一嶂巖牆能爾為，颯然涼氣馬前披。  
由來不藉秋官令，直欲輕移造物時。  
野水渡人心為怯，曉烟食店目因遲。  
生衣兩日更綿絮，境與情遷乍可思。

灤陽別野

疊樹層椒盡態青，灤江如帶瀉清泠。  
湧金何事稱圖畫，浮玉端知在戶庭。  
四季風光無盡藏，百城古帙有餘馨。  
栖遲欲去還教住，山鳥留人亦可聽。

小金山

縈迴波澹澈踞峙峰礧烟散容披榛風來時落果棲  
巖構虛軒每到必憩坐

聖人錫嘉名勝彼屋包裏饒占山水幽何事香花妥一  
晌悟南華分疏了不可

避暑山莊三十六景詩

有序

我

皇祖建山莊於塞外錫以三十六景之名蓋一丘一壑

向背稍殊而半窓半軒領畧頓異故有數楹之室  
命名輒占數景者非若漢主離宮唐家別館彌山  
蔽谷猶云未足也向曾恭和

御製原韻茲以駐蹕清暇復各題五言近體雖不足以  
窺測

高深然劉昭禹所云四十賢人者或庶幾云爾

烟波致爽

玉塞山原富烟波此處饒虛明疑漢上綺縠漾雲標每

愛秋蟾印長教暑氣消牙琴漫須數曾入

五絃調

芝逕雲隄

一逕界雙湖芊綿仙草敷探攜皆上藥招引入方壺魚  
抆潛還躍鹿馴來可呼劓雲如有興記取十洲圖

仇英  
有著

色採  
芝圖

無暑清涼

太古日偏長朱明暑却藏有詩惟舉白作記合稱唐松

菊開三徑雲山貯一房金蓮紛映砌心境總清涼

五臺清涼

山出金蓮

花故云

### 延薰山館

洞達軒窓啓炎朝最納涼松聲風入靜花氣露生香竹  
素悅心永珠林味道長披薰今

昔意與物樂時康

### 水芳巖秀

智仁山水德結念喜雙清鏡朗羣芳照屏開衆秀爭豪

材誰擬議妙詣謝將迎  
本色義皇代還忘蕩蕩名

萬壑松風

蒼翠鬱氤氲巖端細逕分  
四時無改色衆木有超羣  
蓋影晴仍暗濤聲靜不紛  
鬢年讀書處終是愧尊聞

康熙  
壬寅

隨侍

白皇祖

賜居此處讀書

松鶴清越

胎仙將壽客結友嶠洲中  
蔥蒨入林秀飛翔樂遠空  
天垂四幕碧泉帶百花紅

色養傳家法齋名此日同

是處為當年奉

豫遊之所茲於山莊內奉

寧壽宮

皇太后起居處亦名松

鶴齋

先志也

### 雲山勝地

峻宇昔垂戒山莊今可稱地靈延晝永峰秀蔚雲興結  
構因時勝遊歌所事仍年年奉

慈輦恆願祝如陵

### 四面雲山

軒窓徹四面巖谷俯千重  
冥數荆關蹟堪尋  
佳羨踪林

疎為風拂峰現忽雲封策騎遵崎嶇時看白鹿逢

北枕雙峰

雙峰金與黑

西北金山東北黑山

拱揖若來參  
摧安天光接冥濛

雲氣涵鸞音  
媿阮籍鶴度肖蘇耽  
返照千林紫吟情落  
珀石潭

西嶺晨霞

窓戶含西嶺晨霞亦可稱恍如赤城畔高出白雲層  
暝日真還幻隨風散復凝今朝準為雨農諺有明徵

農諺  
晚霞



晴朝

霞雨

鍾峰落照

曾愛文皇句

唐太宗有初  
晴落景詩

高標物外情  
照亭浮檻晃  
燭

浦漾瀾明理境  
資強立神工  
謝巧營倚天  
森玉柱擬待

勒誰名

南山積雪

堯峯何所異  
積素雅宜看  
朔氣干霄白  
清威冱地寒  
塞梅粘樹樹  
凍玉咽灘灘  
歌郢誰家子  
應來曲裏彈

梨花伴月

盤逕入深秀雲居得畝平春來花正放壺裏月偏明香  
色雙清境希夷一晌情神仙惟自度詎必藉金莖

曲水荷香

鏡面鋪霞錦芳颺習習輕花常留待賞

每到山莊雖深秋亦有荷花

香是遠來清緗蓋迎秋直珠囊帶露擎楚人休製服同  
此樂衢亨

風泉清聽

出石泉惟冽因風響益清虹垂飲澗勢琴譜號鐘聲江  
海他時赴雲霞此處生

當年川上意仰識在民情

濠濮間想

水木翳然處真堪會此心有懷虛以靜無俗窈而深風  
度隨花蝶霜酣餉果禽天都元在此那更數華林

天宇咸暢

洞府玉虛宇林扉守百靈三天無別路五嶽有真形青

鳥憑傳信紫鸞時駐軒  
瑤函降真誥聞說是黃庭

暖溜暄波

遙源蒼嶠中暖溜早稱功  
滌蕩蒸雲似靈奇仙藥同體  
泉聞建武溫谷豔新豐利物  
天然澤無誇闕沼宮

泉源石壁

錦流依繡壁霽色正開時  
喧寂均堪悟縱橫皆合宜  
遊松擾麀鹿啞藻下鳧鷖

聖蹟光巖穴翹瞻切企思

青楓綠嶼

青楓多秀色乍可傲霜朝  
樓榭惟存意烟霞儘許招  
司勳權閣筆王子欲吹簫  
却望丹丘迴何當過石橋

鶯囀喬木

山深悅鳥性喬木早遷鶯  
最愛清和節頻聞睨皖聲  
雙

相思舊韻一部錫新名

山中一部笙簧  
聖祖小序中語也

敬案觀宵

雅嚶嚶倍有情

香遠益清

春光六月天  
日照影濯清  
連逸韻風前  
別生香雨後  
鮮揚  
猗明塞日標  
倩暗溪煙松  
島蓮花寺空  
聞十景傳

金蓮映日

玉井曾標秀  
金臺別擅奇  
輝輝爭日色  
灼灼動風枝  
銀  
氣常蔥蔚晶  
光自陸離清  
涼慢相訝

古佛實都茲

遠近泉聲

鑿石布垂瀑  
醜流帛裂湖  
泉堪傲虎躑  
峰得號香鑪  
偶

在叅天一閒憑味道腴醉魚時蹙浪上下濺明珠

雲帆月舫

舟閣傍烟湖浮居有若無波流帆不動漲落棹如孤牖  
幔披雲揭樓欄共月扶水原資地載所見未云殊

芳渚臨流

孤亭據懸岸座俯水日明宮曦影錯金珀石春流泛紫紅塞  
情閒入古川氣冷隨風來者為誰氏維詩味不窮

雲容水態

寄意屬空濶開軒見水雲  
波輕含蔚靄烟細結漪紋  
飛鳥去何極遙舟望莫分  
祇饒風度處依約櫓聲聞

澄泉繞石

一注亦何取端宜石與停  
動中原有靜秀處總能靈  
出匣寧非玉支機本是星  
山花將釀酒可以駐千齡

澄波疊翠

峯翠落湖心悠然意與深  
遊魚欣覓樹飛鳥訝迷林  
宸藻猶雲日崇情自古今  
烟霞蟠水府深夜有龍吟



石磯觀魚

野水時深淺遊魚意更嘉  
名奚辨鯉鯪樂豈避鳧鴛  
或躍浮波月閒喁落壁  
花生磯竿不把適可悟南華

鏡水雲岑

水鏡涵虛朗岑雲遠接連  
儘看流動意不著象言詮  
嵐影落空翠波光合  
暝煙仰參無俯察

皇祖御題有  
懸象俯察仰參之

句  
易蘊

睿題全

雙湖夾鏡

長橋界平渚雙鏡恰連波蕩槳蒼蒲隱鳴鞭碧浪過春  
烟低岸柳露氣襲汀荷白也詩無敵於斯津逮多

長虹飲練

垂虹天際亘望近到猶遙象渚源瓊曲鷗波影綺搖城  
疑乾闥幻樂是洞庭調屨步披三秀何殊陟紫霄

莆田叢樾

膏壤傍雲涯芸芸動植皆含生適真性妙趣託澄懷試

馬掄懸鏡玩鸞辨折釵周詩徒頌武未若此間佳

水流雲在

留憩觀雲水澄渟會意悠  
遂章經徧和五字更從頭遊  
豫無非事經綸有大猷  
日流日常在

聖意照千秋

聞江南得雨

吳下昨秋稔浙災近呼庚  
牽連告糴多米價卒未平黃  
梅今歲霑早稻擔石盈邇聞  
夏杪早晚田苦久晴南望

傷我民何時遇豐亨大吏來奏章秋霖幸益傾高原縱  
無濟下隰仍有成稍可救眉燃安能釋心怍

樹根筆筒

卉木知何種盤根見此餘居然道劫火可以付中書密  
理成文采生機憶始初翰筵佐清供外樸內涵虛

八月朔日作

夜雨釀晨寒午暄柏秋熟山莊駐清蹕遼待玉輪足

將于

此度中秋始進木蘭

問政勵憂勤劬農常度卜關內近優霑僅及

資菜菽夏中希大有此志實欲速孤望得小稔畧可濟  
惇獨惇獨難遍濟如傷此焉恧

霧

至入嵐烟忽滿庭騁眸乍失遠山青濛濛衣濕非飄雨  
惟覺巖花發野馨

清舒山館對雨

山雲漏日午蒸炎準擬今朝塞雨霑躑步長橋纔瞬息  
珠絲先我掠前檐

書館蕭秋坐雨便窓臨碧沼  
漠溪烟塞山楚水何分別  
祇覺瀟湘意與然

山莊駐蹕尚斯須  
漸石無勞歎僕夫  
今歲秋霖不愁過  
還愁關內飽霜無

簷響泉聲互酌斟  
颯涼頓覺襲衣襟  
無端失却西峯色  
遼待時晴取次尋

登四面雲山亭子

亭子雲山最高處  
停鑿未肯頻臨駐  
聞之地靈神所都

隱虞為我勞仙馭崇壇案衍實佳哉能辭偶爾一徘徊  
屈指六年登六度每登必有風雨來今朝秋宇澄新霽  
林扉跋馬鳴璫轡孤亭小坐未俄延前楹修復烟絲綴  
飛空掠樹不踰時長天一碧懸清暉千林葉葉翠難狀  
萬峰濯濯青偏奇風為車兮雲為馬山之靈兮翮其下  
洞庭張樂信然乎何必曲高和者寡

新月

中秋初度月近塞此迴看恰好生銀漢依然映玉欄入

懷真是潔盈手不妨寒詎肯孤佳景留攀桂樹團

暄

農父有常諺秋長喜倍深雲頻霜避菜日燥暖依林未  
可拋紈扇何妨濯峽琴山中足清暇無歎協時心

題永恬居

簾垂四壁幽窓入千峰絢檀梨熟自落野菊艷初綻青  
密鳥未驚紅殘蝶餘戀誰與幻山色輕雲飛一片便可  
寄題興舒箋挾柔翰



千尺雪歌疊舊作韻

凜秋無雪雪乃有宜在玉塞崇山山之後層陰積冰彼  
其常夫何近帶山莊映軒牖奔崖飲澗噴瓊花旬旬磕  
若衆響紛交加八音六律此繁會似過擊干繚缺方武  
陽襄家君不見繪事後於素又不見土鼓先雲護我非  
子也在川上乃亦因心愜清悟滄滄漩復潺且浚駕鷺  
窟鹿往復還試看一放勢莫禦其始涓涓滴滴滄滄山  
之灣導流曲折階前灑雪色雪聲交上下去年種樹初

點綴今來翠幹已盈把北何鴈磧南何吳一家中外咫  
尺夫取名聊爾寄清賞豈知清賞原在神仙區便教溪  
側安茗鑪綠杯香雪書澆吾秋雲在天水在湖興於雲  
水了不殊

角隸歌

有序

古之繕人掌隸決之制以象骨為之其時不通北  
塞便無過于象骨者然象骨脆而易紕類不如今  
之堪達漢角也堪達漢者出黑龍江似鹿而大爾

雅釋獸所謂麀者音義均近焉頃命玉工仿角鞮  
琢玉為之既已屢命子墨而角鞮未免有數典之  
歎且用之三十年矣置之羣玉之中氣象穆然足  
以鎮之故長歌以通其義

角鞮角鞮予所服卅年一日心手熟鉤弦省括觀德資  
指揮如意淳風穆象牙彼哉雷驚紋南方之強機心存  
未若麀角出壯地內外如一剛不斂我愛溫  
和易玉為規模考度泐以詩漢時古玉鞮亦有製窄且楦匪適宜

著簪由來貴舊物角鞢冠玉非剪拂恰如王謝數家風  
本色衣衫勝纓黻

對瀑

漫數香鑪復呂梁紳垂萬仞關鴻荒侈聲嫵柝弁聲鬱  
玉色猶溫雪色涼無間斷惟赴谿勃有形容亦隱烟光  
詩人南國多雕績仙境伊誰合品詳

賜蒙古王公等宴

青海何曾阻玉關  
清秋來覲忘途艱

蒙古四十九旗以  
及喀爾喀青海有

未出痘者多因塞上行圍來謁今歲于  
山莊度萬壽節故畢集是地俟行禮  
可無三接酬誠

素況復萬幾當務閒未習朝儀瞻北闕許隨典屬祝南  
山嘉賓旨酒同和樂

仁祖懷柔想像間

截漕詩

有詩

國家歲轉漕東南天庾賴焉遇偏祲或特恩即其  
地截漕楮賑之非需賑未有以截漕為言者比民  
間米價日貴雖稔秋因採買輒益昂爰勅截留楚

浙西江漕米各若干以補常平蓋今太倉充羨間  
行之亦酌盈劑虛之道耳恐司牧者未喻作詩示  
之

截漕濟災區初偶今成例匪災仍截漕自我排衆議持  
籌慎所思論亦經遠計獨是秋稔處官糴輒翔貴陳陳  
致紅朽孰與資博濟以此足常平市價自平易德流則  
何有效頗速郵置湖南報有收江右稱乃積二省聽流  
通天下可無事補救殫我心豐亨賴

天賜京庾實本根儲蓄貴有備申命方伯臣惠不可常  
試

桂

金秋麗日霽光鮮恰喜天香映壽筵應節芳姿標畫格  
一時佳興屬吟篇賡歌東壁西園合風物南邦北塞連  
幽賞詎惟增韻事更因叢桂憶招賢

鍾峯歌

在天有六星開德宣符贊鴻運在地有崑崙嶪然中峙

四維鎮崑崙一支走華區壇曼案行羣峰都五嶽五鎮  
列方隅扼吭拊背據其樞神禹行水跡雖遍天秘地鑰  
無繇見小試僅得及底柱至今疏導傳寓縣靈臯奧壤  
應有待乃迴

堯顧怡八彩帶河襟巘闢仙莊卓然峯立東岡在東岡  
峯立初無名象形闡義錫嘉稱宇宙以來便有此惟

聖人通天地情造物妙在鑪錘間奉三要達神明權平  
施稱物無容意治崇金鑑千秋傳八柱何當一已足馬



援標名笑銅沃春來簇簇自為繡雪後晶晶幻成玉穹  
窿高矗飛雲流亭亭入望偏宜秋一輪冰鏡正圓滿憑  
將掛著千山頭

壘中秋帖子詞韻仍命翰苑諸臣和之

有序

湖山有奇遇亦待其人風月無盡藏恰當今日若  
夫龍堆雁磧南方曩視為畏途而茲御苑仙莊翰  
林羣稱云佛國樂樂利利敢忘經始

文王語語言言載奉無疆

壽母峯姿波態都覺秋清寶月慶霄適如人意徵詞選  
律勝彼眺蟾望鵠之為錫爵頌饗惟是合樂聯情  
之舉蓋經五作仍續四章

倚樹吳剛不耐閒繁柯取次著修刪數枝恰向仙莊落  
便覺天香滿塞山

端正輪規朗潔光桂宵無物不含香綠杯銀管休孤負  
簷際徐移輶漢匡

思科萬壽試京師侗儻伊誰玉局詩且共從臣賡綵帖

好看積魄徹滄池

徘徊真是倚瓊樓風物今宵繼昨秋  
法曲梨園渾厭鬧玉簫水調按歌頭


中秋夕

玉塞廣寒宮人間迥不同  
近天惟直北出海便昇東  
盈手光堪掬入懷情自通  
輕雲如解事故與作朦朧

御製詩二集卷三十六

總校官庶吉士 臣侍朝  
校對官修撰 臣張書勲

騰錄監生 臣彭希韓



欽定四庫全書會要

集部

御製詩二集卷三十八

詳校官原任編修臣徐立綱



欽定四庫全書薈要卷一萬三千三百六十四

集部

御製詩二集卷三十七

古今體九十九首

壬申七

山莊啓蹕木蘭行園之作

山莊行慶攬衢歌寶月團圞節並過蒐狩九秋應在即  
棲遲廿日覺無何輕嵐別岫雲封戶細雨遙源水漲波  
更有予心欣慰處石田仍獲勝常禾

涼

靈山能轉候嵐氣送晨涼  
楓染通紅葉露凝騰白霜  
獵人欣逐獸農叟慶登場  
別有宜詩景遙峯續紫黃

風

微風亦覺豪直北氣偏高  
裂葉千峰露吹林萬竅號  
雲頭斂陰翳水面捲波濤  
蓬草曾無礙飛揚任爾曹

波羅河屯行宮作

秋日散清輝秋空澄碧落  
我意與之然去來何執著  
寒花步今逕陰樹褰昔幕  
會心足希夷容膝且寬綽  
是處

有縹緗無妨讀書樂

山邨即景

蘭衢侵曉點繁霜  
馬上羊裘尚覺涼  
日出旋烘一谷暖  
黃綿襖子遍田莊

築場納稼先去聲  
豳風南北寒暄協  
紀中多是晉齊流寓

客安居朔塞故鄉同

刀耕火種遍良農  
不讓楓榆占碧峰  
誰道石田率荒鹵  
年年頗覺有秋逢



連延東崦復西鄰，遮莫桃源此隱淪。  
三十年前曾過者，却云初祇數家人。

意行

意行初不較涼炎，馬上成詩信口占。  
薄霧卷空開岫障，微風拂澗揭泉簾。  
霜華怯日融融減，續葉隨程旋旋添。  
北望木蘭秋獮近，起予興在遠山尖。

入崖口

伊遜九轉來遙源

伊遜即蒙古語所謂九也

崖口為東奔流湍重重

鎖鑰羅岷壁立萬仞天風寒地利一夫可當關太平  
時節誰泥丸清秋按轡凌層巒駕言大獮朝可汗控弦  
騎士數逮千發蹤指使遵虞官約束匪嚴亦匪寬要欲  
上下同和歡詎惟從禽事遊盤于時獵也有道存  
聖人家法敬繼旃

御行營

蒐狩恰宜秋行營廣甸留荅陽方審面計日又從頭萬  
帳星辰拱九重規制侷習勞無示度匪為宴安謀

霧

塞山幻戲何爾奇  
白棉彌谷乾闥移履高若低  
隱乍現

障近成遠疑  
西城郭臺觀舉彷彿  
蜃樓海市非人為

或如王母降玉輦  
或如木公駐葆旗  
張公五里裴三里

鸞鳩何異榆枋枝  
日中霧鬱倏歸岫  
千巖萬嶺明傑池

旋覺皮衣著體暖

塞山霧後必晴而暖

生風耳後花驄馳偏伍彌

縫有節制曾無一騎隍  
中迷南人行船北人馬  
有能不能

能難強其肩輿得得來翰苑

蔣溥汪由敦皆南人不習騎以有輿從故戲及之

縱觀卒愕相嗟咨爾亦何必相嗟咨為吾走筆為新詩  
野花

塞甸金令司神權野花秋較春時妍東皇女夷不過問  
錯綺縟繡爭嫵嫵高低韓約殊娟姣羣友翺飛弗相擾  
傲霜凌雪此其常節比南花猶覺好嵇含疏亦廣蒐羅  
龍沙地遠曾未過設使揣稱復侔色春風桃李何爭多  
我命中人隨意採掛瓶香氣勝蘭茝陡憶孤山錦逕西  
依然興會於斯在獨惜無名名亦得增譜羣芳著子墨

盧胡大笑有是哉得無猶被名相域牡丹芍藥稱者誰  
裳裳者華自宜知以彼例此應罷之用全其天恒希夷  
宴蒙古諸王公

瑞雲卿擁拂盧穹詐馬筵陳許貢衷典屬威儀五等列  
本朝恩數一家同屏藩各守無踰志敦樸羣欣有古風  
咨爾嘉賓思乃業自綿帶礪福無窮

雨

靈境蒸雲易為霖亦太奇又逢洗山雨正是罷圍時谷

漲羊腸水林湔鶴頂枝  
羶廬開牖坐何必道催詩

羶廬

懷居何必尚金鋪  
息體凝神愜所須  
一室四隅常不改  
開窓日日看山殊

聞浙省豐收誌慶

兩浙去年災實甚  
截漕通賈開倉廩  
補偏救一乃漏十  
奚如穡事逢秋稔  
今春二麥幸倍常  
五月更霑梅雨黃  
躊躇彫弊豈易復  
每懷南顧心徬徨  
蘇松夏杪愁旱暵

屏水幾歎人力竭昨歲有收尚可支災後難支憶於越  
無何大吏封章馳秋初望雨雨應時高田一律轉葱翠  
佇待銍艾如京抵額手稍為吾民慰丁寧休養培元氣  
漕糶况足補倉虛

今夏命截留浙漕四十萬石以實常平

採糴漫頻致踴

貴

陝西秋禾被旱歉收詩以言志

聞災蹙額為愁頻教誡丁寧諱奏人豈是翻欣遭水旱  
試思誰救轉溝民

地高穀井苦無由禾歟應知有竄流咨爾長官善撫恤  
慢言二麥尚豐收

轉漕龍門跡久湮亢暘偏爾重三秦多方備穀教河內  
資濟流通賴好鄰

覽本口號

報豐為喜報災愁愁喜無常似轉流只有愛民此子志  
寸田千載惻然留

曉月



猶是中秋月應教日日憐  
四更東壁上半魄白榆邊  
鴈過蘆鋪水鹿鳴楓護烟  
清遊達明發塞景愛霜天

行圍四詠

撒圍

塞山萬壑糾獵士五更行  
蒙古管圍諸王公每以五更率獵士先往撒圍撒陣

常衝黑成行始質明  
蠶叢度衽席魚麗辨徽旌曾不言  
勞苦嘉哉奉上情

待圍

兩旗合帳殿

設布城為看圍所奉翼首旗各馳至此為始合則衆騎以次徐

皇太后觀覽兩

進千騎列雲涯試看止齊勢端稱左右宜彌縫休欲速

磬控尚需時勒馬平岡待斐然立就詩

### 合圍

周陸笑繁重善御信何稱豈有車從獸何殊屠命僧詭  
馳我所戒連中衆多能佗藉無須亟留資歲歲仍

### 罷圍

地不傷農事情還聯衆歡陳牲蔽芳甸頌獲逮儒冠

漢大

臣隨園者頌  
獲每及之

習武毋忘業暢遊亦戒盤控弦教憩息西

日在槍竿

園中獲白麀詩以紀之

有序

昨秋蒙古台吉必力滾達賴以白麀進嘉其應時  
獻壽曾為之圖而紀以詩今行獮塞上於巴顏河  
落園中復生致此毛色純潔性特馴擾周陸所僅  
見也拈吟紀實匪侈祥符

瑞獸貺三靈嘉符應六星性馴豈銜走質異似來庭睛

彩丹砂煉毛章白玉亭不教施赤羽端合飼蒼苓詞客  
希成頌仙人夙駕軒底須宣史館曾未註禽經

於興安作

一嶺界南北寒暄殊節候龍幹衍堂堂萬派此輻輳陽  
巘林始丹高低如錯繡陰崖葉全落樾底天光漏榆塞  
古王庭雁蹟今靈囿纘武永思艱守文益惟懋

即事

田車古之制宵雅宣尼采但以施之今原獸孰容待設

復過山嶺銜楹且致殆豈昔儻俟羣不奔復不駭格物  
有所窮此理殊難解

王良羞詭遇丘陵多弗為守正何必強當恐人莫知宋  
襄惜二毛傷股其奚辭夏侯論樂毅迂迴難通宜枉道  
莫從彼正理日月垂無權乃賊義差謬爭毫釐盡信  
不如無孟子自言之

讀史記隨筆

有序

遷史始自黃帝類皆網羅舊聞其世職卓才則備

見於漢興以來諸紀載所謂千秋良史信無愧焉  
壬申秋獮塞上率以寅往哨鹿及晡罷圍虎帳幾  
餘輒快讀終卷因擬漢君臣事蹟關於治亂者紀  
之他不復及畧分世代隨得即書不為詮次云

業定關中治已周山河帶礪建諸劉小嫵何足傷親誼  
櫟釜翻為羹顏侯

指示功人第一宜所嘉更在舉宗隨鄼侯劍履登朝日  
可憶鮑生進策時

善罵無妨仍好士一時割愛重鬚眉  
看恢宏大度有如此  
豈係留侯計出奇

借箸前籌纔數語漢家基業鞏千年  
趣銷趣刻如兒戲  
從善端知若轉圜

販繒屠狗自嬰樊附驥恩流逮子孫  
撫拾成編端委具  
却因他廣備為言

三議堂堂建宋昌大橫吉兆應重光  
文休景養培元氣  
何異周家成與康

五利文成壘受封公孫纔見大人踪  
惟應駕海神鞭石  
一節還教讓祖龍

故衣獨步越丰姿  
俛泣低頭恨可知  
尹亦自饒真藻鑑  
褚先生論更堪思

田竇相傾勢利關  
灌夫引重為居間  
却因杯酒媒深禍  
首鼠轅駒盡腆顏

數奇受誠部書催  
豈大將軍特忌猜  
責簿刎身人盡惜  
殺降應悔有由來



鈎弋雲陽遇暴風娥姁肇禍實無窮少孫漫許為賢聖  
豈是千秋定論公

一文一質變相生陳粟相因露積羸黷武求仙平準創  
奕劉治亂此分明

九月朔日作

玉塞宜秋山金黠屆季月窪稜丹漸稀寥迴藍益蔚霞  
標蕩光幻峯尖時出沒菊節應指日何必黃花發登高  
於此佳逸興已先勃

哨鹿十韻

凌曉出帷城羽林簇隊行歷登千嶂迴俯視萬燈明宿  
處踪將遠虞人技各呈扈隨留次第

哨鹿之法貴減從無聲故隨從之人

以次而留翳伏展長聲纔辨林分色俄聞鹿嗚最嫌心卜

急要在氣和平強弱微窺勢去來仍體情從禽非浪漫  
付物有權衡連獲何須詗偶空亦豈怍豪遊真絕勝一  
覽衆嵐清

霜花

塞草著霜花迷離入望賒幻堪參富貴詩更憶蕪葭火  
迫鹿鳴野寒傳雁落沙結珠憑少女蕭寂轉紛華

塞山雲海歌

我曾澄海樓頭望溟渤髣髴蓬萊方丈銀宮闕又曾吳  
山之側觀潮來似神而非者三真幻哉方意天一之靈  
無並比乃今塞山重見此世間何事不有偶造物安能  
外斯理秋旻星斗歷落懸策騎曉陟崇岡巔萬山足底  
纔分色須臾兜羅綿現疑湧波浪相連延乍合乍散倚

五岳何奇何怪吸百川章亥盧敖詎極屈豐隆巫女方  
昂軒鞠陵朱鳥為弭節陽城神石無須鞭於焉游詆蕩  
之顛氣駕方廣之石船探萬斛鮫人之珠搯十丈玉井  
之蓮信壯哉其樂志笑癡矣而求仙詩成將以寄德潛  
為詢黃山畢竟何如焉

沈德潛有黃山雲海詩

### 僧機圖峯

僧機彷彿嵌空云

蒙古語以山之嵌空者為僧機圖故耳

率律玲瓏信莫

羣設使飛移文翰地度星掛月號紛紛

園中獲生麀致之避暑山莊即目得句

生麀無數獲園中放入山莊楓柏叢取之外園置中園  
豈是深謀苟息同

新月

中秋西去又生西依舊秋光銀漢低待滿輪規爭數日  
擬搏鏡影乏長梯山高月小情真到樹直烟橫望欲迷  
試想嫦娥經浩劫幾迴循轉可容稽

習字

穉室就窓暉經箋趁手揮力應嗤木強妍復戒豐肥消  
此清閒晏澄來繹思微曾聞得爭道聊亦悟行圍

巴龍桑阿蘇台歌

興安大嶺魏堂堂千派萬緒案衍長桑阿蘇台居中央  
如國宗子承宗祊崿嶠峯嶺堯塘吐寥窈隱倚蟠復翔  
為宮為霍為堂皇上有神池涵雲漿萬年不竭守以龍  
叶不動聲色鎮四方人楓仙檜君子簔赤羆白鹿及銀  
麋飛鳴鸛鶴連鸞凰茯苓琥珀芝九英博產真埒富媪

藏一樹不許斤斧戕一獸不許弓矢傷獵騎謹避左近  
旁猶然風雨來無常更不許人稱其名天男貴重誠莫  
京周裨寰海所未詳孕佺育羨其術減乃使成名於南  
疆恥與岳鎮相夷行我今作歌昭靈祥崇丘雲裏遙相  
望似云如是名何妨

九日

重陽會有百迴遭攬勝崇山創且豪自是開天此度節  
恰成隨地可登高設筵詎必莫簪帽陟巘剛欣楓點袍

斜日射熊歸帳殿便因餘興一揮毫

罷獵出崖口

罷獵出崖口休茲藩部羣踦瞻仍戀戀歸去各欣欣山  
向南來暖情留北望殷豐碑讀前作

去歲度崖口得詩  
命樹碣崇岡上

緯武要經文

即事

昨日過重九今朝見菊花翻成兩度節未是負芳華

村行



塞外人烟集寒威漸不侵

天地之氣自南而北口外嚴寒之地今以人烟輻輳率較

前為秋深林尚茂俗厚誼能任獲畢農無事畋餘鹿罷

暖云尋連村見高廩稍足慰吾心

波羅河屯行宮作

塞垣秋彌薄言歸別館纔經廿日違便有迎人三逕菊  
更欣送暖一窓暉興餘豪處應還澹思不紛時可入微  
試看滿庭張錦樹風來落葉亦霏霏

咏鏡

行幄供清鑑，依人片月空。  
塞山還越水，此子不留中。

### 山店

山店零星不成村，防虎縛落聊植援。  
徙薪曲突取室溫，是中聚首長兒孫。  
蓬頭垢面蔽短禪，懸瓜積芟家討論。  
大都流寓內地民，山田無賦賴安身。  
安得廣廈吾心存，堯舜猶病復何言。

### 木蘭迴蹕駐避暑山莊之作

瀟灑山莊憩轡宜，塞菟小別未逾時。  
風前落葉蕭蕭下，

霜後飛泉激激垂湘筆每因幾暇點芸帷還趁午暄披  
山靈為我重渲染萬嶂丹青能越奇

從容偏愛一窓暉菊有黃花暎座馥收拾雲山還澹泊  
啟資思慮入精微鹿聲招侶臨高叫雁羽知寒背北飛  
打疊行騰詩就帙好因攸吉駕言歸

菊

梅是明春信蓮為盛夏芳二花猶不及餘卉可相方  
鹿閒相顧遊蜂怯欲藏女夷設孤注合點塞山蒼

即事

昨日歷歷憶前月漸漸忘一年尚彷彿十年率渺茫積  
此十為百三萬六千場飄忽例猶昔幻非何況常了當  
去憂戚行樂愛景光樂又不可極職思在陶唐

灤陽別墅

別館九秋清飛蓋一時駐黛色參遠山籟聲激古樹江  
落石岸高林稀朔風遽依然倚軒牖於何識來去颯景  
故堪憑流光茲可寤

雜詩

椎輪造大輅土鼓生雲門  
濫觴涓涓流乃是長江源  
積水為層冰豈如層冰寒  
棟宇待風雨沿至雕楹垣  
創意實不易增華慎其端

即日

月似軒轅鑑山如玉鏡臺  
足寄千秋興何須計往來

入古北口

曲折盤塞山長城遙在目  
昨記古長城傳名自我獨  
今秋

木蘭行園悉所謂古  
長城者為之作說

地險本丘陵詎事遠春築徒資後

人議那勝前人躅蒐狩返翠華深秋轉暄淑納稼圃積  
黃連村樹餘綠未盡熙老幼豈免勞臣僕入關誦古語  
惜惜式金玉

皇長子定安親王園寢酌酒

佳城驚見此何來千古傷心酒一杯猶憶前年當此日  
相攜教射木蘭迴

秋麥

秋初正望霖虞損禾苗穉度此方怵怵民艱切攬轡山  
壯駐清蹕關外欣霑被遙心寄闕內優渥亦逮未封章  
傳喜音疑信豈能置納稼茲已畢稔穗頗餘積原田更  
含潤麥隴青針刺祈年惟予責憂深藉生慰慰已復懷  
希所希三白瑞

木蘭迴蹕駐圓明園之作

塞蒐旋蹕涖皇州仙苑澄辰霽景浮恰似看山移畫幘  
忽因樂水漾棠舟楓留紅葉宜題句菊艷黃花欲挽秋

兩月景光不多子一牕明影故如流

泛舟昆明湖遂至玉泉

霜落滄波徹底清  
延緣一棹泛昆明  
飽看朔塞山開畫  
靜鑑秋湖水濯纓

烟波澹沲玉河連  
欲試山房第一泉  
依舊菰蒲沙渚畔  
只添些子是蒼然

位置溪村率就成  
披來卷軸百千橫  
本緣寓重農桑意  
引勝還娛攬結情



御門日作

興夙列卿齊唱曉雞人報時巡返旌轡召對臨廊廟勅  
幾固無方諮政貴有要察察戒小智淵淵厯朗照唐虞  
夙所布成康猶未造設逢汲長孺豈免云云誦

賜梁詩正終養還南

遺榮真合道未老暫抽簪甚悉忠懇意寧如孝治心歡  
承備鐘鼎跡異樂泉林翻祝歸朝晚卿家慶倍深

宋瓷膽瓶

芝為華彩玉為肌  
火氣全無古氣披  
恰似白描吳道子  
觀音妙相手中持

浙省有收米價平減詩以誌慰

兩浙昨逢災米價頓踴貴  
賑恤縱多方補救僅稍濟  
夏收今年佳額手幸

天賜秋初聞望霖切切愁不置  
旋即報霑足其蘇方快  
意漕粟仍截留採糴無所事  
以此爭流通市售轉平易  
民獲豆奎資商收奇贏利乃知

大造力好生誠普惠追思去歲歉愚民法輕試叫詼豈  
樂為亦為饗殮計姑息慮易逞教化慙未逮何如慶逢  
年民生自暢遂

孟冬時鄉食

太廟

四孟臨陽月六宗欽本仁

祖功千禩顯

德水一源親馨效思何極繼承志益諄黼屏儼

來假告徹重逡巡

御殿臚唱有作

秋榜原春榜恩科乃特科

慈寧欣壽永師濟冀材多大對誰忠告旁求此廣羅  
午門開詆蕩日麗小春和

碧琳館三首

疊石為假山植檜稱溫樹咫尺蘭凡間縹緲蓬壺趣  
雕繪詎足尚澹泊素所慕可以貯琴書遐心期古遇戶外

響輕風琅玕奏韶護

佳景足一窓新名恰當可奚事建章宮門戶千萬夥漏  
報出花鐘篆帛沉檀火後樂惟同民先憂益厘我永言  
惇獨哀豈啻富人哿

殷懷周海寓深居敢宴盤寸陰信不假萬幾焉有閒輕  
裘念鶉結玉食軫糲餐聖狂別罔克朝夕凜惕乾肯堂  
勵方來保此磐石安

賦得黃花晚節香

得修字  
六韻

冬孟暖如秋黃花愛獨留更因知晚節可以悟潛修處  
谷踪常隱尋籬興最幽底須爭富貴也自足風流羣卉  
應難侶遐心孰與儔魏公亭尚在聞說古平丘

題張宗蒼山水幅

奇峯拔地疊翠稜嵌空露寺宜居僧側臨平遠望無際  
涵然白雲冠上層不拘繩墨妙獨出斯人始能他豈能

初雪

十月  
八日

維霰先飄月應陽漉漉旋幕遠林蒼落階無跡偏添潤

入畫有情不礙涼柳葉著如重

平聲

吐絮菊花傲似重

去聲

含霜謾因少許生餘望自是農占兆吉祥

偶仿倪瓚葉湖別墅圖并題以句

去年問俗江之南湖山妙趣供清探倪迂葉湖試親印  
題句憶在青春三傳神信得水鄉樂坐對每令澄襟恬  
初冬夜永喜餘暇瓷盆低亞黃花籤拈擋筆斫鋪金粟  
刻楮何必求精纖背臨面證出偶作吳門山乍拖眉尖  
不似之似似亦可五合得一如書無詎惟文房寄陶詠

要因澤國懷農蠶

溫惠皇貴太妃七十壽辰詩以祝慶

祥肇宮闈啟壽筵稱觴喜值小陽天

溫如冬日德彌厚

惠似春風福自綿遐算應開千袞永賢聲早著卅年前  
瑤階祝慶心餘慕

皇祖恩深海納川

沈德潛纂西湖志成呈覽因題以句



驛遞緬編翰墨新披尋即景憶春巡詩人林下多清興  
還與湖山一寫真

表裏江湖秀麗區由來名勝擅三吳誰宜作志傳明聖  
老沈今時白與蘇

南巡豈為賞泉林佳處無端亦寄吟慙愧詞人誇藻思  
勤民應識大觀心

恭謁

祖陵并視

孝賢皇后安奉地宮啟蹕過通州即事言懷

考章臨

后葬

康熙年間  
安奉地宮我

孝誠

孝昭

孝懿三皇后  
視謹遵成例無寫

哀  
思啟蹕謁

先陵孫楚哀經罷葛生歸自應吉宮附

昌瑞

康熙二年  
山尊封為昌瑞山

孝陵

介祉永雲初潞水維舟昔

戊辰

三月東巡迴至德州登舟值  
皇后之喪抵通州昇奉還京

追思情可勝

烟郊行宮夜坐

別館延緣駐六飛夜寒深坐漏聲稀讀書舊惜心浮過  
撫帖今知貌似非窓紙明含宮蠟換簾攬煖暎地鑪圍  
羽林却塵隨清蹕布帳宵禁朔吹威

郊行

薊野今年經兩度蒼山詔我無來去春郊十雨無五風  
早計豐秋多黍稌夏末望霖恐致災中夜時深雲漢慮  
無何得雨惜略遲切厓閭閻鮮饒裕茲來歷歷閱村郊  
高廩如京原屢遇粒餘仍復孳雞豚衣厚知先畢租賦

憑輿額慶為吾民更布三白麥根護

重過獨樂寺

在薊州向每取道城外  
茲偶經城內故重過之

山郡寒烟裏祇園粉堞邊禪房有花木向日記留連  
頽廢嗟如是施檀亦偶然

是寺為遼統和時所修  
蕪落已甚因命重葺

邑民似

相識瞥眼十餘年

恭謁

祖陵得句

致奠先欽謁追思水木殷敢忘

仁祖顧期紹孝孫聞

神宇千靈護龍支萬派分今年瞻兩度戚後慕逾勤

十月二十七日永安

孝賢皇后於萬年吉地宮以慧賢哲憫二皇貴妃附  
皆少時相從者既感逝存更參夢幻命筆成什  
以誌一時

鳳翼龍輜何事爾貫魚故劍適相從可知此別非常別  
謾道無逢會有逢蘆殿驚心陳白日散塗舉目慘寒冬

百年等是行雲寄廿載憑參流水踪

駐靜寄山莊題句

藏事別吉宮紆蹕駐仙境尋幽藉散懷  
即目聊探景今年來兩度前度夢幻等  
可以悟空空何必猶耿耿冬山露本色  
雪瀑垂峭冷謾謾聞松濤萬慮一以屏  
屬詠亦已多茲遊欲靜領

冬至月八日奉

皇太后進宮是日值雪景攬馮輿祥占卜  
麥屬目得句

點筆誌時

冬溫

鳳輦返璇宮六出徐霏蹕路中烟遠郊坰纔委積潤霑  
攏圃旋消融遙峯乍喜微皴白曉日何妨暫隱紅來復  
覘時欣肇慶更希卜稔萬方同

南郊禮成誌事

鐘動齋宮曙月光

郊壇翹矚肇嘉祥

明裡顯若欽昭事盥薦彬然考憲章

帝眷顧思基宥命

天心復喜迓初陽敬勤兩字遵家法嗣服希綿萬葉長

小除夕坤寧宮作

喜氣鬯宮寮迎除先去聲頌椒從來稱五祀不覺到今宵

爆引雲車上

天臨絳節朝誠祈詎私禱六幕願均調

除夕



吉祥雲裏吉祥聲除夕昇平樂歲亨詩稿又將成一卷  
人情誰不惜三更依然日月分新舊相與歡娛作送迎  
勤政愛民心不息底因流嬗識元貞

御製詩二集卷三十七

欽定四庫全書薈要卷一萬三千三百六十五

集部

御製詩二集卷三十八

古今體九十三首

癸酉一

癸酉元旦

珠杓璧月共居寅  
瑞靄輝輝鳳闕晨  
萬國同朝大清朔  
百年喜遇歲朝春  
衣冠踰濟遵王會  
律呂和平奏樂鈞  
休養繁滋誠有慶  
更思風俗要還淳

新正試筆

達曙惟聞爆竹聲致祥和氣驗人情春當綺歲元朝立  
輦向青陽左个行甲子輪環欽橐籥共球閭闔會寰瀛  
撫辰蒞政敢云久日益孜孜若捧盈

紫鳳蒼龍轉玉璣祥颺瑞旭麗金扉十行寬大新頒詔  
一念精勤首勅幾癸德合干晷德凜酉年開紀有年祈  
乾清曲宴宗親洽綈几瑤箋試筆揮

癸酉元日立春帖子

東皇綺律舒三百六旬初妙合麟經義春王正月書

四序正權輿雲看三素殊

慈寧重疊慶春酒介屠蘇

辛盤恰並椒盤獻賀歲還兼賀節新宜拂殊歲書大吉  
今年元日是元春

雪

臘雪雖逢望渥霑發春

天澤喜均覃祥花瑞葉元正二客歲今年積素三生意  
寒梅珠半綻畫情溫樹玉全含同雲遠布懷九宇佇待

佳音達奏函

正月二日祈穀齋居對雪

元正纔過致虔齋典重

祈年倍切懷靜聽排門鳴爆竹春音一片與人諧

六出霏霏入晚濃玉花紛綴禁中松發祥捷報新春喜  
不問詞林問老農

惠山仿得竹鑪成臘雪嫌微未試烹今日優霑方愜意  
合尋韵事煮三清

臘底敲吟間濶踈新年清興共春舒心花喜暎祥花潤  
葶甲勾芒盡起予

李公麟五馬圖歌

杜陵題畫馬不一要貴取義非修辭當時此技誰絕勝  
陳閔曹霸臻神奇幹雖畫肉不畫骨天閑萬驥皆能師  
後來繼者何寥寂三百年始得伯時橫圖迴立見五馬  
權竒沛艾天英之鳳頭驄來于閩國董氈錦膊翩相隨  
天駟最數好頭赤照夜白倣唐名為其後一馬失題識

昂藏殊相星瞳輝藝成放筆一馬殂

見卷後曾紆題語

大僕惆

悵何爭差我聞元祐多正士拔茅雲路驂駟驪伯時軒

冤有弗屑喜畫畫馬能累斯

出黃魯直跋語

清流往往禍自取

姓名未泐安民碑丹青結構有深意同人藻鑑遙應知  
芻秣豆飼信堪羨那免按隊牽金羈

雪後登延春閣眺望

瑞霽既委積祥曦亦曛矚素雲扶柏枝芳飈遞梅叢新  
正清暇餘延閣深禁中載豁即景目兼舒體物胸皇都

千萬戶珠樓十二重  
撫此金甌固益切  
玉燭融北斗  
揖璇杓  
西山展畫峰  
和氣鬯萌陽  
吾將事祈農

詣齋宮作

引仗青旗出禁城  
祥凝樓雪曉風輕  
祈

辛預日齋宮宿  
又得新詩紀上庚

謁

壇眠濯典依前  
欣覩暈飛重  
煥然申命秩  
宗稽古義新

題寶額號



祈年

殿仍前明之舊瓦用青黃綠三色顏曰大享殿皆於義未當乾隆十六年重加修葺易用純青命禮

臣考正題為祈年殿時始竣工用紀其事

溫暾曦影一窻紅數紀流陰默付中即事拈毫前後異寸心虔敬始終同

展臨快雪帖因題

時晴快雪對時晴真者當前怵惕生

米帖云展文皇大令帖臨之不成信

真者當前令人怵惕云云

展濶縮臨皆自我蘭亭何必擅前旌

蘭亭撫者

大小不一真草亦殊快雪獨無聞焉故戲及之

祈穀禮成八韻

祈年蘊素誠

寶殿煥新名益凜欽基命重欣瞻落成喬雲扶棟宇上  
日率公卿霧馥升烟合星輝列燭明一衷陳玉帛九閔  
備咸英

鴻貺希初祉青韶逮始耕泰符宏錫極豐壤積瓊靈歲  
紀昭陽協惟殷敬畏情

題董邦達西湖圖

向見西湖圖約略觀山水今見西湖圖曲折可詳指由  
來貴親歷了然勝遙揣不獨繪事然吾因悟治理

詠竹鑪

惠山傳雅製嶰谷飭良材古擬蟠夔鼎華羞翠羽壘試  
煎泉味永靜對道詮該消渴宜搗藻何人司馬才

宛轉曲

就燥者火流濕水同氣相求必其理郭隗重燕樂毅來  
無知升朝曲逆偕傷胎毀卵鳳不儀北寺幾見慈烏棲

仲尼迴車戮鳴犢袁閔佯狂李杜覆一堂兩琴宮商應  
薰猶臭味各本性咸博結綬蕭男登牛李何怪互炭冰  
其實難副忌盛名操戈同室非人情顧厨清流禍自取  
程蘇何事相爾汝

錢陳羣養疴歸里進途中所作詩因用其會錦春  
園和杜韻詩率題書賜

北海惟客待

錢陳羣詩因孔傳  
樞招遊而作故云

杜陵詎身謀勝會開名

園新詩步秦州猶記陞辭時流火方新秋何事大江北

閉尋谿壑幽養疴許謝莊遁跡非田疇故鄉山水佳藥  
餌頗易求頤攝冀良愈待泛還朝舟江頭有錦春何妨  
一命遊几杖兒孫侍樽核賓從稠江湖信可樂廊廟豈  
忘憂遲遲有深意欲邁還停收况彼五畝間卷阿我曾  
留即是矢音地扈賡憶從頭詩筒附奏箋翰苑傳風流  
故知解脫心疾等浮雲浮從茲一葦南遙望心與悠

十六應真歌題唐人畫

湯湯渤澥雲天寥古先生此為遊遨龍伯海若夷兒曹

執圭鞠脛紛趨朝天吳前導懸旌飄持杖荷拂遑辭勞  
入水不溺跌坐牢髡髻蜚蟹族承裾條連行據背騎文鯨  
俯視直徹萬丈濤有魚小首不目逃卓立背者笠撥毛  
渡杯偶後曲錄腰笑謂前我詎我驕之而頰頰騰長蛟  
指揮如意無鞭敲和南磬折心枯焦袈裟風拂披七條  
一蠖昂首悲且翹何不可度以手招倚柏一晌聊逍遙  
翻却公案誰訾謦蒼毛拖地光白毫青童後隨年彭喬  
伯呼仲諾比漆膠神龜在手非卜繇偃偻杖錫蒼崖坳

持菓相饋來猿獠肩隨蹠步意陶陶吾宗機示成神交  
大胸出目獮兮葵徐行驅走如羊羔念珠百八三藏包  
忘言縱目窮青霄繪事妙詣真神超楞伽貫休名未標  
飛白得之子雲蕭以書通畫妙義苞金剛四句偈不殺  
彌勒樓閣珠林高

新月

新年初度月眉細便堪憐暎雪光偏皎生春景越妍桂  
將梅並放今及古常懸即漸臨三五燈宵樂事駢

新春重華宮恭侍

皇太后家宴

孫曾引領綵衣迎，行樂宮中和氣盈。  
鴛瓦棲靈為喜色，鳳笙按曲是春聲。  
五辛盤獻先人日，六葉蓂舒正午晴。  
愛敬一心承

色笑願留羲馭駐南榮

人日瀛臺即日

人日率逢齋法宮，虔端凝今年已祈穀。  
春雪况被滕令



節氣始和即事傳攀登宴賞例不舉

是日適逢忌辰  
例不行宴賞

丘

壑致可憑積素纈珠林噴流瀉玉峻一屏絲管鬧轉覺  
襟懷激攬勝新景會勒壁舊題曾新舊信儻然流陰爾  
為能

千尺雪

吳下寒山愛佳名熱河田盤率倣作松濤泉籟或彷彿  
路遙豈得常憑託咫尺西苑傳春明結構頗具林澗樂  
四百餘年樹石古峭猜信佳究穿鑿我書三字題簷端

亦有雪花拂檐落揣稱終疑未恰當雪後今來一斟酌  
人之稱也徒彼哉天之然兮誰此若

新正詠雪聯句

有序

蒼龍轉律蕙開二葉之辰白鳳搏空梅綻六花之  
朶因祈辛而齋宿敢命宴以歡臨迺其素積鴛樓  
畫閒鶴禁補乾清之曲宴申重華之舊規對此祥  
葩可停綵管依潁州禁體倣石鼎綴辭更示謙沖  
率屏諛頌

御製青帝試初令翦雨為飛雲喜暎心花發

恩承

天貺并積日礎霑潤凌晨霰迴縈殷七術遜巧

臣傅恒

勝

六嚴遄征俄看九衢積漸躡三階升鼇禁奉

清賞

臣來保

御製免園徵墨卿潁州垂故範聚星繼前旌韻事重拈詠

新詔發滋榮的樂輝綵勝飄翔暎燈檠周阿吹復

聚

臣史貽直

深蒼掃更凝壓樹梢檝鋪池面盈盈酉

年得漿酒

臣陳世倌

御製

協氣調勾萌被滕弭遺騰觀書罷囊螢冰筋排簷直

炭獸喂鑪頰松撐老骨勁竹夏高韻鏗樵逕封磧

谷

臣阿敦

釣竿渺江汀縱獵晃鷹眼嚴更促雞鳴熙

熙見物景

臣孫嘉淦

御製

浩浩聞市聲快意生朗潤奪目含光晶冥搜窮萬象

遠布周八紘元氣渾太始淨光搖星衡化工妙點

染

臣蔣溥

大造何經營昭蘇敷

帝壤灑奕先

神京北豐樂含舖

臣劉統勳

御製入詠欣颺賡蘊句戒顯借植馬隨徐行風前葉偏態

空際圖難名中宵炯暗室達曙翔飛甍高卧動京

尹臣汪敦嬉笑忙野毗土牛茁繭粟綵燕飄娉婷狡

猊波斯裝臣尹繼善

御製琉璃舍衛城體物卻膚語出奇鼓豪情唐苑倡蘇李

宋本摹關荆歌郢孰和曲入蔡曾銷兵剡水艷訪

戴臣嵇璜

伊川欽立程煨芋相暖熱傳柑互邀迎即

此足怡曷臣介福

御製因之眺縱橫畫入遙峰疊占同寶粟羸春轉寒威淺

晝暄新序更賀歲紛拜舞

祈年亶精誠書事表盈尺臣董邦達

致齋肅先庚馳道淨塵塏

圓壇煥題楹歡欣聞吉語臣嵩壽

御製次第達遠倅燕齊鄭秦晉麥豆稷黍秔祥符傳汜勝

險押追彌明穿窻騰霧屑著土孕穀精疑是天女

散臣錢維城直與元冥爭霏霏拂珂珮瑟瑟諧竽笙吟

慙筆尖退臣觀保

御製坐覺衣棱生寸鐵持不許兼金化誰成麝月出新浴

鱗雲啟深局交暎殿角迴碎點簾額輕森然豁蒙

昧臣表曰修煜爾騰煌熒微響聽歸雁無跡尋懸鈴迴

處儼長袖臣德保

御製撒來需和羹溪籐標五字竹鑪烹三清亦塵茅簷冷

兼快松軒晴一色炫香萼十葉舒靈莫曲宴集鴛

鷺臣于敏中好景開蓬瀛應時魄未耻慰望歲初正和

律兆太簇臣莊存與

御製宿潤連嘉平高下因地託方圓付形呈上瑞同堂慶

東郊將始耕

新正重華宮小宴大學士及內廷翰林

重華曲宴例居前今日欣開翰墨筵况值新正霑瑞雪



可無嘉會答韶年唐花吐豔凝珠綴仙木書祥暎綺錢  
正是賡歌思屢省頌揚莫亟騁辭妍

歡延綸閣逮詞林列坐華茵喜盍簪翡翠瓦仍餘積雪  
吉祥雲復釀濃陰同希繼澤占農慶獨佇嘉謀沃朕心  
三爵非無厯惡旨傳柑且待上元臨

新正恭奉

皇太后幸圓明園即景成什

芳園行樂撰良辰九陌風和不動塵笑指亭臺成隔歲

即看草樹早迴春

高年人愛祥暉永新社

天教大地均解事瓊璫積瑤圃慶霄雅合踏燈輪

小宴蒙古諸王公

華節試燈朝芳筵勝賞饒穹廬張日麗清樂韻風條予  
曰有嘉客羣言戴本朝希韞看相入聲撲度索起高跳百  
戲歡情洽千方遠意昭魚雲過午重欲繪上元宵

上元燈詞

去年燈映田餘雪今歲田餘雪  
映燈多幸占農屢豐兆  
更殷保泰一心仍

星橋駕海還通漢火樹千花復萬枝  
樓上祥雲

王母降羣仙舉首祝

鴻禧

排當燈事歲誇奇行慶承

歡恰順時縱目烟村十里外  
糠燈茅屋景堪思

月如不夜常稱午花是恒春鎮自開  
蕝約雲中定誰氏

子登徐按八琅來

詔許觀燈例上年踏歌誰合繼張燕却思瘦沈老無恙

此際心應北闕懸

去年上元命內廷諸臣於西苑觀燈和詩休致侍郎沈德潛以祝

皇

太后萬壽留京得與旋復南歸故念及之

四照花開鶴燄春纖阿今夜為逡巡元宵聯句因閒讀

多半驚看作古人

癸亥元宵聯句諸臣中如大學士鄂爾泰徐本尚書張照學士張若靄皆

已物故

雁塔光明不計層應真來往法雲憑琉璃國土水精闕

證號如來是寶燈

紫瀾聲定月華臨歌舞惟聞和樂音同願五風兼十雨  
可知人意即予心

上元後一日小宴廷臣用重華宮賜宴韻

傳柑應讓懿親前

前一日宴宗室諸王

撒荔重開翼日筵豈是耗

磨沿俗例要因昭鬯遇昌年春宵賡和傳蘇李昨歲追

陪憶沈錢

謂沈德潛錢陳羣

火樹銀花宜入夜樓西留閱物華

妍

入宴諸臣仍命至苑西觀烟火

一綫烟花綻萬林上元仙子月珠簪祥麟吐火旋成日  
寶蛤噓雲便作陰見舞民安物阜字每關後樂先去聲憂  
心今朝三爵申相悅尚藉昌言佐知臨

題鄒一桂寫生卷

金絲桃

翩翩黃蝶力難勝迴異人重過武陵最愛綠盤高捧出  
五花齊燦五金燈

繡毬

繡出金針韶景妍玲瓏一線若為穿  
試參舍利拋呈後  
香色榮枯總寂禪

長春花

瑤池桃實三千歲樹各春秋不相入  
妨月月花開十二聲

度女夷批判豈辭忙

百日紅

又名後庭花

揚猗聞道盛閩中絢爛恒春百日紅  
結綺樓前多學士  
費才江令獨稱工

杏

肘後曾聞說董林甘芳偏覺勝來禽充梅漫惹髯翁誚  
入酪何妨楚客吟

枇杷

誰因結實憶開花綴樹金丸未揀沙為想詩人高季迪  
東丘蘭若見枇杷

棣棠

色占中央爛熳枝後時約略並荼蘼不因檢校羣芳譜



誤注誰分周雅詩

秋葵

秋風閒砌發幽花處士圖珍駙馬家直筆不慙瓶史處  
傾陽曾未逞春華

百合花

接葉開花三瓣長雲根百疊可為糧却教藝苑傳佳話  
歲軸圖成兆吉祥

讀說難率詠

說難說盡說人情  
姚賈猶然數語傾  
不及周昌心口一  
機權百出究何成

詠黃山松樹子

黃山三十六峯高  
胎石蟠拏根柢牢  
圮上未輕期孺子  
洞邊還擬見盧敖  
盤拏宜入畫家筆  
剝削何妨匠者刀  
千載詠松人幾許  
於松曾不涉分毫

聞各省得雪詩以誌慶

齊鄭麥為秋雪佳  
麥乃好晉秦灾饑  
餘切厓接濟早新

正降瑞霽厚澤皇州肇邇來四省間次第遞箋表更幸  
皆一日普被

天恩浩遺蝗入地深田火無煩擾勾萌達始和結穗占  
堅飽民心得雪安穀價平村堡氣癘得雪消康寧善相  
保御園行慶時燈月助晶皓在彼不在此予樂民同曉

新春萬壽山

燈為寶月雪為花初地青陽景已嘉齧岸波新連凍浦  
曬窻日暖上明紗依稀梅蕊圖江國次第楊稊報歲華

與物皆春春始鬯藻思發亦肖萌芽

韓滉五牛圖

一牛絡首四牛間弘景高情想像間舐齧詎惟誇曲肖  
要因問喘識民艱

題故大學士蔣廷錫做項聖謨摹韓滉五牛圖仍  
用題韓滉畫韻

摹本重臨退食閒晉公真蹟企思間

廷錫未見滉蹟故臨項本

石渠

今日同收取

蔣溥見石渠寶笈中有韓滉五牛圖真蹟因進此卷奏請並藏

考牧從知

稼穡艱

雲海濤翻閘後閒

見故尚書張照跋語中

聖謨蹟落有無間張衡

端是振竒士水牯參餘立語艱

張照後題詩四首多寓禪機

玉鴿

蜀嶺春花狀藍田瑞物呈傳書堪並雁入畫欲欺鶯雙  
翼如方翥圓喉未易鳴靈禽稱善合妙義示恒貞

初春遊玉泉山

幾餘行樂稱新年翠輦逶迤到玉泉最是靈源不受凍

碧漪春水放紅船

向陽階砌草勾萌茂對時和驗物情芳  
甸雪消膏土潤  
陌頭舉趾有新耕

林外風輕霽景鮮春山未冶已含妍  
華滋館裏琴書靜  
小坐明窻又隔年

結縛梭毛屋兩間竹鑪偶試愜餘閒  
只疑第一泉應笑  
何必區區學惠山

閱織端因塵授衣  
爻爻分賜任攜歸  
北人不識南人巧

真道天孫付錦機

是日攜蒙古王公觀織帛者即以分賜

明湖疏治納羣流  
新水鳧鷖樂泛浮  
一棹玉河供謁覽  
行將淀海試春蒐

萬壽山卽事

韶月尋清賞  
芳晨禮照園  
山容將欲染  
春事漸堪論  
階蘚含陽重  
林禽較昔繁  
吉雲頻蘊釀  
雪雨總

天恩

面水背山地  
明湖做浙西  
琳瑯三竺宇  
花柳六橋堤  
凍

解鳧鷺樂風輕梵唄低高峯稱萬壽

慈壽祝同齊

梅雪清噴麝松風謾起濤得竒欣在邇因迴亦為高縱  
匪民之力寧無作者勞抒懷聊即事便與付宣毫

倣倪瓚江岍望山圖并用其韻題句

不留烟靄快初晴了了嵐光入眼明笑我曾同高士興  
隔江亦復遠山橫錢塘秦望應如昔白傅蘇公只剩名  
若向錦譚論氣韻輸他老驥驚前程



春水

春水或尚堅而人危弗履危有甚於冰戒弗履者幾

余省雜花草蟲卷

鳴者動其股飛者翾其翼馥者揚其芬嫻者錯其色寫  
生有如此傳神亦云得展卷悅茂對與物暢生息

題徐揚歸庄圖

搖搖春水舟輕颺歸來三徑未全荒隔岬羨望者誰氏  
刺史江州應姓王

雪中由玉河泛舟復至玉泉山

密點還踈點冰心復水心被田同暢悅助景好探尋入  
沼無痕化推蓬有冷侵不知誰戴氏彷彿泛山陰

林岫已婆娑汀崖漸委羅不梅皆玉蕊過節又銀蛾遙  
浦猶含凍長源漸漲波機聲伊軋裏一棹玉河過

泉氣猶蒼匿雲容益蔚濃每懷繼優澤真覺利良農知  
足定誰是占祥幸此逢西山偏入望玉積兩三峯

正月二十九日進宮齋戒之作

行慶奉

慈寧燈事佳節邁朝來命翠輿春社期夙戒雪消喜舍  
潤雲屯希繼沛遑肯託端拱益惟欽顧對宴樂詎宜並  
消息看相代自信者祈年始終心不懈

臨鍾繇薦季直表因題

戲鴻游鶴絕追尋惜棄餘閒一背臨詎止楷模傳漢錄  
要嘉斷斷進賢心

二月朔日齋居

庶績區分日午階坐來  
溫室一澄懷勅幾不息齋  
猶切華節過餘靜轉佳  
對越天心基宥密紐芽  
春物肇根茲翻書怯溯  
羲皇上望若驚洋詎有涯

春仲躬祭

社稷壇

春祈祀典厪躬行  
右闕晨趨率辟卿  
立我蒸民知穀重  
藐予小子識君輕  
六鈞綵鳳儀仙樂  
三獻卿雲擁帝觥  
懸鼓和鳴物甲圻  
青郊正待省新耕

題張宗蒼四季山水圖

黃塢春泉

春山澹沲花丰茸  
春水勝舟綠殼溶  
瀟灑潯陽好風日  
祇教孫緬得相逢

柳塘夏雨

遠峰極目翠糝糊  
近水侵塘漲滿湖  
活脫房山神韻處  
只疑柳線尚垂珠

荻浦秋帆

蒼蒼蘆荻渺秋湖赤壁之游了不殊猶是東山月未上  
短簫孤棹入冰壺

瑤林冬岫

紅樓綠樹相入聲參差點綴天花萬嶂蕤却憶五臺白雲

寺三年前景故如斯

轉復詞

似與而取垂竿絲淮陰背水勝趙師似明而暗問羊計  
鉤距摘伏奸愈熾似貶而褒諛諧談歸遺細君仁何慙

似闇而彰錦尚絅仲長樂志抗箕頰似退而進尺蠖伸  
巧宦司馬慨安仁似愛而害搖木本豫章范甯翻成損  
似是而非形影間士季四本疑顧歡似真而偽涇渭濁  
晉黃曾亦清流託似異而同芝蘭馨韓范上殿何妨爭

道寧齋

仲舒對制冊道者治所繇諸葛誠中郎寧靜匪外求是  
皆述公奭至論昭千秋虛齋顏道寧以道寧能不雕繪  
詎足尚澹泊有餘休無益不可作自問殊難酬

臨董其昌倣歐陽詢草書千文率筆題後

先後七年從太嬾

董其昌楷書千文自題云先後七年乃成

旦朝一卷遜真

勤

文徵明每旦必書千文一卷

率更搨本春官筆吾亦因之遣暇云

御門日作

建禮接晨趨乘乾奉永圖勅幾遑燕寢咨政闢亨衢曉  
日琉璃瓦香烟翡翠壚後言誰退有成見我從無

登玉泉山賞遇樓

高樓山西麓松竹頗瀟灑丹梯棲嶽岼攀躋勞毋乃亟



來率未登目存心已在今朝到夤緣騁望神怡倍偶讀  
壁間詩忽爾隔十載可以悟駒隙亦足覘踈怠復不免  
新作自問聊自解

圓朗齋

在萬壽山陽

仁圓義則方禮立智期朗山水足是齋仁智樞所賞昆  
明滄池俯萬壽高峰仰俯仰入澄觀心與天地廣廓然  
應物來溥風庶可倣

題余省魚藻卷

菁藻琳池縟連行戲衆魚至清奚用彼知樂亦欣余

徐揚摹黃公望筆意卷

粗皴及澹染千古傳黃癡得神詎在似刻楮亦易為愛  
此溟濛意富春春靄時


玉鵲

填橋曾到漢旋復化支機聲兆吉祥信情知風雨幾動  
兼貞是體靜以德為輝比似文皇鷄投懷那慮飛

御園仲春

仲月茁蕓初春光漸綺舒綠苔依北庀輕籟入東疏林  
暖能言鳥冰消負陟魚調元厓亮政棄暇喜翻書生意  
滋韶苑農功載始畚行時將命駕保介共咨茹

御製詩二集卷三十八



總校官庶吉士臣侍朝

校對官庶吉士臣陳文樞

校對官修撰臣張書勳

謄錄監生臣魏綿曾

謄錄監生臣彭希韓